

Tabligh Dalam Islam

Makalah di bawah ini ialah ringkasan daripada Mawlana Muhammad Naim guru di dalam bahagian Tafsir dan Fikah di Darul Uloom di Deoband India dalam suatu majlis ceramah anjuran Persatuan Pelajar-pelajar Melayu di India cawangan Deoband bertempat di rumah persatuan tersebut baharu-baharu ini.

(Kiriman: Muhammad Abu al-Shukri – India)

Pentingnya Tabligh:

Di antara beberapa perkara yang terpenting di dalam Islam ialah perkara tabligh yang mana menjadi nadi kepada perkembangan Islam dari semasa ke semasa dan menjadi satu unsur menyebarkan syiar Islam di dunia ini.

Rasulullah (S.A.W) telah pun bersabda: “*Ballighū ‘anī walaw āyah*”

yang bererti “Sampaikanlah pengajaran agama daripadaku walaupun sepotong ayat” di sini dapatlah difaham bahawa tabligh adalah penting sekali di dalam menuju perkembangan Islam yang maha suci. Di dalam menguatkan lagi tentang pentingnya masalah tabligh ini dapat kita ikuti dari lembaran sejarah perkembangan Islam di zaman yang silam dan tersinarnya ilmu agama serta berdirinya markas-markas ilmu pengetahuan Islam yang menjadi kemegahan kepada seluruh umat manusia di muka alam ini, khasnya umat Islam sendiri.

Sebagaimana diketahui dari lembaran sejarah bahawa lahirnya Islam ialah di kota Makkah, yang mana Rasulullah Muhammad (S.A.W) telah diutuskan oleh Allah Ta‘ālā ke alam dunia ini sebagai doktor yang akan mengubati penyakit kejahilan dan kesesatan yang bernoda. Dan jua di kota Makkahlah

tempat bercambahnya ilmu agama dan di sanalah jua mula pertamanya lahir para ulama dan mujahid-mujahid Islam. Dan Makkah dianggap sebagai markas ilmu agama di dunia ini. Kemudian Islam dan ilmunya berkembang ke Madinah dan seterusnya ke Baghdad, Bukhara, Samarkand dan seterusnya ke seluruh pelusuk dunia di Timur dan Barat.

Di dalam masa kira-kira 23 tahun sahaja Rasulullah (S.A.W) menjalankan kewajibannya mengtablighkan agama Allah maka natijah dan hasilnya adalah memuaskan yang mana selama di kala itu telah berkembang di luar sangkaan. Maka setelah wafat Rasulullah (S.A.W) kerja tabligh tetap disambung dan diteruskan oleh para sahabat *riḍwānu Allāhu ‘alayhim* dan tabiin seterusnya oleh *tābi’ al-tābi’in* sehinggalah ke hari ini. Pendek kata berkembangnya Islam ke pelusuk alam ini adalah dari natijah tabligh yang telah dilakukan terus-menerus.

Hukum Tabligh:

Allah Ta‘ālā berfirman: “*Waltakun minkum ummatun yad’ūna ilā al-khayri wa ya’murūna bi al-ma’rūfi wa yanhawna ‘ani al-munkar*” yang bererti: “Hendaklah dijadikan daripada kamu itu satu umat menyeru kepada kebajikan dan menyuruh



Suami isteri dan anak kelihatan semuanya sedang menunaikan kewajipan mereka terhadap Allah tempat mempersembahkan bakti dengan penuh ketaatan yang tidak akan berbelah bahagi.

mentablighkan agama Allah ialah terletak di atas bahu tiap-tiap seorang daripada umat Islam, hanya pihak alim ulama adalah orang yang lebih utama menyempurnakan tanggungjawab ini kerana lemah dan lembabnya pergerakan alim ulama adalah membawa lambatnya kemajuan perkembangan Islam.”

Di dalam menuju tanggungjawab ini pula terbahagi kepada beberapa perkara mengikut mafhum dari sabda Rasulullah (S.A.W): *“Idhā ra’ā minkum munkaran falyughayyirhu bi yadihi fa in lam yastaṭi’ fa bi lisānihi fa in lam yastaṭi’ fa bi qalbihi fa huwa ad’afu al-īmān”* yang bererti: “Manakala kamu melihat akan satu-satu keburukan maka ubahlah akan dia dengan tangan kamu (di sini ialah tanggungan pemerintah yang terpenting sekali menghapuskan keburukan itu) jikalau tak kuasa ubahlah dengan perkataan iaitu dengan

nasihat-nasihat yang baik (di sini ialah tanggungan alim ulama) jikalau tidak kuasa jua ubahlah dengan hati (maka di sini ialah peringkat orang-orang awam) iaitu usaha yang ketiga ini adalah seditif-daif iman.”

Maka di dalam hadis tersebut dapat difaham bahawa satu daripada syarat mubaligh ialah ilmu, agar apa yang dikatakan itu tidak menyesatkan pendengar. Pendek kata di dalam tiga bahagian yang disebutkan di atas hendaklah bekerjasama di antara satu dengan yang lain bersatu fahaman dalam perpaduan yang erat di dalam usaha yang cemerlang itu. Kerana pemerintah tidak dapat berjalan lancar dengan tidak ada sokongan rakyat dan rakyat pula tidak dapat bergerak cergas jika tak ada sokongan pemerintah.

Bagi seorang mubaligh mestilah mempunyai persediaan yang cukup di dalam usaha mentablighkan agama Allah dengan cara yang menarik dan gaya yang manis. Pertama sekali hendaklah seseorang mubaligh bersifat dengan sifat yang terpuji berkelakuan yang baik mengikut susila yang telah diajar oleh Rasulullah (S.A.W). Kerana tabligh tidak memadai dengan syarahan-syarahan sahaja tetapi hendaklah disertakan bersama-sama dengan amalan yang lemah lembut serta budi bahasa yang terpuji, pendek kata tiap-tiap perkataan hendaklah disertakan dengan amalannya sekali. Kerana amalan yang baik itu adalah lebih memberi kesan kepada perkembangan Islam. Hazrat Khawajah Moinuddin Chishti Ajmeri seorang mubaligh yang termahsyur telah berjaya mengislamkan penduduk India kira-kira seratus ribu orang ini ialah hasil dari kerja tabligh yang dilakukan dengan perkataan dan amalan yang menarik minat.

Mereka berbuat baik dan menegah daripada melakukan kejahatan”. Menurut pendapat ahli *mufasssīrīn* bahawa “*man*” di dalam ayat tersebut ialah *man* “*tab ṭāh*”. maka mengikut mafhum “*amar*” di sini ialah fardu kifayah dan ulama-ulama telah sepakat menyatakan: hukum tabligh ialah fardu kifayah, yang mana jika sesuatu kampung umpamanya atau sesuatu negeri tidak sebahagian daripada penduduknya menunaikan fardu tabligh ini maka berdosa ahli kampung atau penduduk negeri itu semuanya.


Tujuan Tabligh:

Tujuan tabligh ialah sebagai menyampaikan wasiat Rasulullah (S.A.W) kepada seluruh Banī Insān di muka alam ini agar kembali kepada jalan yang diredai Allah dan guna menghidupkan syiar Islam. Tabligh bukanlah bererti memaksa seluruh insan mesti memeluk agama Islam tetapi tabligh ialah sebagai “*tadhkirah*” atau peringatan. Kerana tak ada paksaan di dalam Islam sebagaimana yang diketahui bahawa Rasulullah (S.A.W) diutus ke dunia oleh Allah Ta’ālā ialah sebagai “*Bashīran wa Nadhīrā*” bagi seluruh manusia dan untuk “*dā’iyan ilā Allāhi wa sirājan munīrā*”. Maka inilah tujuan tabligh di dalam soal menerima atau sebaliknya terserahlah kepada mereka memilih di antara pertunjuk dan kesesatan....

Siapakah yang bertanggungjawab menjalankan kerja-kerja ini?

Setelah Rasulullah (S.A.W) wafat, maka siapakah yang bertanggungjawab di dalam usaha mengembang dan mentablighkan agama Allah yang Maha Suci kerana Nabī Muḥammad

(S.A.W) ialah Nabi akhir zaman, tidak ada Nabi dan Rasul selepasnya di dalam menjawab soalan itu maka Rasulullah bersabda: “*Al-‘ulamā’u warathatu al-anbiyā’*” yang bererti “Ulama ialah mewarisi nabi-nabi”. Maka tidak syak lagi bahawa alim ulamalah lebih bertanggungjawab di dalam menjalankan kerja yang amat penting ini. Tetapi ini tidaklah terkhas kepada alim ulama sahaja untuk menunaikan tugas tabligh ini bahkan kewajipan



Bangunan Muktamar Islam di Kaherah yang menjadi pusat penghubung antara umat Islam di seluruh dunia.



Pemberita wanita Majalah al-Shabbān al-Muslimīn sedang bertemu ramah dengan Tuan Abdullah de Almeida serta isterinya.

Cara-cara Tabligh:

Tabligh bukanlah semata-mata untuk mengislamkan orang yang belum Islam sahaja tetapi medan tabligh adalah luas skali terutama ialah untuk mengislamkan amalan umat Islam sendiri yang sedang berkecamuk di dalam gelombang bid'ah dan khurafat. Maka di samping itu hendaklah pula mengembangkan sayap tabligh kepada seluruh insan yang masih di dalam kesesatan dan kekufuran, kerana dengan eloknya amalan umat Islam sekarang adalah akan menjadi satu daya penarik kepada mereka yang belum memasuki Islam di dalam masalah ini Allah Ta'ālā berfirman sebagai panduan ke arah cara tabligh yang baik firman-Nya: "*Wa andhir 'ashīrataka al-aqrabīn*" yang bererti: "Sampaikanlah khabar duka kepada kaum keluargamu yang hampir ya Muḥammad". Maka selepas daripada itu pula hendaklah mengembangkan sayap tabligh setapak demi setapak kepada ahli-ahli kampung bandar dan seterusnya ke seluruh negeri.

Allah berfirman: "*Wa andhiri al-nāsa yawma ya tīhimu al-'adhāb*" yang bererti: "Berilah khabar duka ya Muḥammad kepada sekalian manusia di satu hari yang akan didatangkan kepada mereka azab (Hari Kiamat)".

Di sini dapat difaham perlulah mengislahkan orang yang hampir terlebih dahulu, kemudian baharu kepada orang yang lain pula dari kampung ke satu kampung dan ke bandar-bandar seterusnya ke seluruh pelusuk negeri. Maka tidak seyogialah sebagaimana yang didapati sekarang setengah mubaligh-mubaligh telah pergi ke luar negeri yang jauh pada hal negerinya yang ditinggal di sekeliling rumahnya dibiarkan berada di dalam gelombang bid'ah yang menyesatkan.

Di dalam masa menyeru manusia ke jalan yang diredai Allah. Allah berfirman: "*Ud'u ilā sabīli rabbika bi al-ḥikmati wal māw'izati al-ḥasanati wa jādilhum bi allatī hiya aḥsan*". Yang bererti: "Serulah manusia ke jalan Tuhanmu ya Muḥammad dengan hikmah dan nasihat yang baik dan berbahaslah dengan mereka dengan cara-cara yang elok." Maka inilah di antara cara-cara yang baik buat panduan tabligh di dalam Islam. Tetapi tidaklah seperti usaha *missionary* Kristian mereka mencurahkan dengan harta benda yang lumayan, wang ringgit yang melimpah, perempuan-perempuan cantik yang mempesonakan. Tetapi perkembangan Islam tidaklah melalui tarikan kebendaan bahkan perkembangan Islam ialah dengan budi susila Islam yang menarik sebagaimana yang ditunjuk oleh Allah dan Rasul-Nya Muḥammad (S.A.W).

